

**BOSNA I HERCEGOVINA
FEDERACIJA BOSNE I HERCEGOVINE
VLADA**

Prijedlog

ODLUKA

**O PRIHVATANJU ZADUŽENJA PO SPORAZUMU O ZAJMU I PROJEKTU
IZMEĐU KREDITANSTALT FÜR WIEDERAUFBAU (KfW), BOSNE I
HERCEGOVINE, FEDERACIJE BOSNE I HERCEGOVINE I JAVNOG
PREDUZEĆA ELEKTROPRIVREDE HRVATSKE ZAJEDNICE HERCEG-BOSNE
D.D. MOSTAR ZA REALIZACIJU PROJEKTA IZGRADNJE CRPNE
HIDROELEKTRANE VRILO**

Sarajevo, mart 2014. godine

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na _____ sjednici održanoj _____ godine i Dom naroda Parlamenta Federacije Bosne i Hercegovine na _____ sjednici održanoj _____ godine d o n o s i

ODLUKU

O PRIHVATANJU ZADUŽENJA PO SPORAZUMU O ZAJMU I PROJEKTU IZMEĐU KREDITANSTALT FÜR WIEDERAUFBAU (KfW), BOSNE I HERCEGOVINE, FEDERACIJE BOSNE I HERCEGOVINE I JAVNOG PREDUZEĆA ELEKTROPRIVREDE HRVATSKE ZAJEDNICE HERCEG-BOSNE D.D. MOSTAR ZA REALIZACIJU PROJEKTA IZGRADNJE CRPNE HIDROELEKTRANE VRILLO

I.

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o zajmu i projektu između Kreditanstalt für Wiederaufbau (u daljem tekstu: KfW), Bosne i Hercegovine (u daljem tekstu: BiH), Federacije i Javnog preduzeća Elektroprivreda Hrvatske Zajednice Herceg-Bosne d.d. Mostar (u daljem tekstu: JP EPHZHB) u iznosu od 100.000.00,00 EUR, za realizaciju Projekta izgradnje crpne hidroelektrane Vrilo (u daljem tekstu: Projekt).

II.

Sredstva zajma iz tačke I. ove Odluke koristit će se za izgradnju crpne hidroelektrane Vrilo, koja ima za cilj povećanje diverzifikacija energetske resursa, kontinuirano snabdijevanje kupaca električkom energijom, poticanje ekonomskog rasta u BiH kroz otvaranje novih radnih mjesta tokom i nakon izgradnje, doprinos zaštiti globalne klime spriječenim emisijama ugljika, a rezultat bi se ogledao u čistoj energiji u elektroenergetskoj mreži BiH.

III.

Sredstva zajma iz tačke I. ove Odluke, odobravaju se Federaciji pod sljedećim uslovima:

- iznos zajma.....100.000.000,00 EUR-a
- rok otplate.....15 godina
- grace period.....4 godine
- naknada za neiskorištena sredstva.....0,25 % godišnje
- kamatna stopa.....utvrđena na bazi efektivni troškovi refinansiranja KfW na tržištu kapitala za euro +/- marža i utvrđuje se na dan potpisivanja Sporazuma o zajmu i projektu
- naknada za upravljanje zajmom je.....0,5 % jednokratno
- dospjeća.....polugodišnje u jednakim otplatama glavnice
- datum plaćanja glavnice i kamata.....30. juni i 30. decembar svake godine
- iz sredstava zajma se ne mogu plaćati carine, porezi i druge dažbine

IV.

Potvrđuje se da je razmatrana dokumentacija prihvatljiva za Federaciju, a posebno:

- Zapisnik sa pregovora,
- Nacrt Sporazuma o zajmu i projektu između KfW, BiH, Federacije i JP EPHZHB.

V.

Sredstva zajma iz tačke I. ove Odluke Federacija će na kreditnom osnovu prenijeti na JP EPHZHB, koja je krajnji korisnik i dužnik po zajmu.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija-Federalno ministarstvo financija da sa JP EPHZHB usaglasi i sklopi odgovarajući Podugovor o zajmu i projektu kojim će, u svrhu redovne otplate, definirati uslove vraćanja sredstava koja se prenose na kreditnom osnovu.

VII.

Daje se saglasnost za zaključivanje Supsidijarnog sporazuma između BiH i Federacije i Podugovora o zajmu i projektu između Federacije i JP EPHZHB za sredstva iz tačke I. ove Odluke.

Za potpisivanje Supsidijarnog sporazuma i Podugovora o zajmu i projektu, ovlašćuje se federalni ministar finansija - federalni ministar financija.

VIII.

Za realizaciju ove Odluke i izvještavanje zadužuju se Federalno ministarstvo finansija - Federalno ministarstvo financija, Federalno ministarstvo energije, rudarstva i industrije i JP EPHZHB, svako u okviru svoje nadležnosti.

IX.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

X.

Ova Odluka stupa na snagu narednog dana od dana objavljivanja u "Službenim novinama Federacije BiH".

O B R A Z L O Ž E N J E

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrta kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Donošenjem ove Odluke stvara se osnov za potpisivanje Supsidijarnog sporazuma između BiH i Federacije, a zatim će Federacija sredstva zajma dalje proslijediti JP EPBiH kao krajnjem dužniku i korisniku kredita za Projekt izgradnje crpne hidroelektrane Vrilo.

Sredstva zajma će se koristiti za izgradnju Crpne Hidroelektrane Vrilo, a njenim puštanjem u pogon omogućit će se godišnja proizvodnja električne energije od oko 190GWh sa udjelom od 80 % vršne snage, bez potrebe za ponovnim ulaganjem u periodu od najmanje narednih 20 godine.

Efekti koji se očekuju provođenjem ovog Projekta su sljedeći:

- povećala bi se diverzifikacija energetske resursa, a projektni rezultat bi se ogledao u čistoj energiji u elektroenergetskoj mreži BiH,
- kontinuirano snabdijevanje kupaca električnom energijom, praćenje porasta električne energije i zadržavanje izvoznog trenda,
- kroz otvaranje novih radnih mjesta tokom i nakon izgradnje potaknut će ekonomski rast u BiH,
- doprinos zaštiti globalne klime spriječenim emisijama ugljika,
- izgradnjom predviđenih akumulacija CHE Vrilo stvaraju se preduslovi za unapređenje vodoopskrbnih i vodoonapajnih sistema,
- povećanje kapaciteta za evakuaciju velikih voda što bitno pridonosi umanjuju učestalosti kao i površina plavljenja Duvanjskog polja (čak do 4 m odnosno oko 80% smanjenja površine plavljenja), koje će doprinijeti odbrani od poplava i natapanju Duvanjskog polja za potrebe intenzivne poljoprivredne proizvodnje.

Obrazloženje pojedinih tačaka

Tačka I. je nužna kako bi se prihvatio zajam koji se realizira putem Kreditanstalt für Wiederaufbau, Frankfurt Am Main.

Tačkom II. potvrđuje se namjena utroška sredstava zajma.

Tačkom III. precizirani su uslovi zajma.

Tačkom IV. potvrđuje se da je dokumentacija parafirana tokom pregovora sa KfW-om prihvatljiva za Federaciju BiH, što je uslov da BiH, KfW, Federacija i JP EPHZHB pristupe potpisivanju Sporazuma o zajmu i projektu.

Tačkom V. se definira način implementacije Projekta, te da nije potrebno osigurati dodatna sredstva u Budžetu Federacije za ovu namjenu.

Tačkom VI. se definira obaveza Federalnog ministarstva finansija-Federalnog ministarstva financija da sa JP EPHZHB usaglasa i sklopi odgovarajući Podugovor o zajmu i projektu.

Tačkom VII. daje se saglasnost za zaključivanje Supsidijarnog sporazuma o zajmu sa BiH i Podugovora o zajmu i projektu između Federacije i JP EPHZHB i ovlaštenje federalnom ministru finansija - federalnom ministru financija da u ime Federacije potpiše iste.

Tačkom VIII. u okvirima nadležnosti definira se obaveza za realizaciju Odluke i izvještavanje.

Tačkom IX. se potvrđuje da za implementaciju Sporazuma o zajmu i projektu nije potrebno donijeti nove ili izmijeniti postojeće zakone.

Tačka X. propisuje stupanje na snagu ove Odluke.